

ՀԱՇՎԵՏՎՈՒԹՅՈՒՆ

**«Տնտեսագիտական կրթության և հետազոտությունների աջակցման կենտրոն»
հիմնադրամի և ԵՊՀ «Սահմանադրական տնտեսագիտության
գիտավերլուծական կենտրոնի» միջև կնքված պայմանագրով նախատեսված
«ՀՀ կենտրոնական բանկի անկախությունը որպես ՀՀ Սահմանադրության
կարևոր նորմ» ծրագրի շրջանակներում կատարված աշխատանքների
վերաբերյալ**

1. «ՀՀ կենտրոնական բանկի անկախությունը որպես ՀՀ Սահմանադրության կարևոր նորմ» ծրագրի շրջանակներում լույս է տեսել «ՀՀ Կենտրոնական բանկի անկախությունը Սահմանադրականության համատեքստում» վերտառությամբ մենագրությունը Ռ.Գևորգյանի, Հ. Ղահրամանյանի, Ժ. Մխիթարյանի և Վ.Սարգսյանի համահեղինակությամբ: Մենագրության մեջ ներառված են ծրագրի շրջանակներում իրականացված հետազոտական աշխատանքների արդյունքները, տպագրված հոդվածները, սոցիոլոգիական հարցման արդյունքների ամփոփ նկարագրությունը:

Մասնավորապես, ամփոփված են գնաճի ժամանակակից տեսությունների զարգացումները, առանձնակի անդրադարձ է կատարվել գնաճային սպասումների տեսությանը: Աշխատանքում ներկայացված է ՀՀ կենտրոնական բանկի անկախության սահմանադրաիրավական էվոլյուցիոն, ինչպես նաև կենտրոնական բանկերի հիմնական նպատակների շուրջ ձևավորված միջազգային փորձի վերլուծությունը:

Մենագրության մեկ այլ բաժնում նկարագրված է կենտրոնական բանկի անկախության և գնաճի ու ֆինանսական համակարգի կայունության միջև կապը, ամփոփված է ՀՀ Կենտրոնական բանկի անկախությունը միջազգային գնահատումների համատեքստում:

Մենագրության հաջորդ բաժիններում ներկայացված է Կուկիերմանի և GMT մեթոդաբանությունների հիման վրա կատարված կենտրոնական

բանկերի անկախության գնահատման արդյունքները: Անկախության աստիճանը համադրվել է այլ երկրների անկախության մակարդակների հետ՝ ՀՀ կենտրոնական բանկի դիրքի մասին պատկերացում կազմելու համար:

Մենագրությունն ավարտվում է ֆիզիկական անձանց, ֆինանսական կազմակերպությունների և ձեռնարկությունների շրջանում իրականացված «ՀՀ ԿԲ անկախության և գների կայունության վերաբերյալ» սոցիոլոգիական հարցման արդյունքների ամփոփմամբ:

Մենագրությունը կցվում է: /Հավելված 1/

2. Ծրագրի ավարտին նախատեսվում է կազմակերպել ՀՀ ԿԲ «Տնտեսագիտական կրթության և հետազոտություններ աջակցման կենտրոն» հիմնադրամ և ԵՊՀ Սահմանադրական տնտեսագիտության գիտավերլուծական կենտրոն ձևաչափով կլոր-սեղան հանդիպում: Հանդիպման ժամանակ ներկաների թվում կլինեն ՀՀ գործադիր և օրենսդիր մարմնի անդամներ, բիզնես-ոլորտի մասնագետներ, ՀՀ ԿԲ ներկայացուցիչներ, ինչպես նաև ԵՊՀ տնտեսագիտության և կառավարման ֆակուլտետի պրոֆեսորադասախոսական կազմը, ասպիրանտներ և մագիստրանտներ: